



Xuntanza co director de función pública. 22/01/2016

Concurso de traslados de corpos xerais: Puntuación provisional a finais de febreiro. Non vai ser posíbel renunciar coñecendo a puntuación provisional. O director comprométese a reconsiderar os prazos de renuncia para vindeiros concursos. Para termos unha idea de cando puidese ser a data de posesión haberá que agardar a que pasen uns días da publicación da puntuación provisional e ver o volume de reclamacións. Van comezar a traballar sobre o futuro concurso permanente, pero non poñen datas (están coa redacción do prego para a licitación da modificación das aplicacións informáticas).

Procesos selectivos: Corpos xerais (libre e promoción interna): Exames a partir do 1 de maio e antes de agosto, en función das datas libres en Silleda. Probabelmente sexan os de promoción interna antes que os de libre. Solicitamos máis dinamismo na edición dos temarios pola EGAP. Veterinarios: da elaboración dos temas da parte xeral encargárase directamente Función Pública. Eses temas serían os utilizados en todas as escalas de administración especial. Xa teñen resposta das consellerías sobre o temario da parte especial e a semana que ven se reunirán para pechalo. Estarían afectadas algunhas das alegacións presentadas. Ordenanzas con discapacidade intelectual: A semana que ven enviaranos o borrador de convocatoria e programa. Levarano ao Consello Asesor para a Integración da Discapacidade na Función Pública Galega ao longo de febreiro, con anterioridade á Comisión de Persoal e Consello da Xunta. O programa será moi similar ao do estado e ocuparase directamente Función Pública da súa elaboración. Non haberá un catálogo de postos específicos, senon que ocuparán postos da RPT con toda normalidade. No seu momento haberá un seguimento destas persoas a través de asociacións e familias, e formación para eles/elas, seus compañeiros/as e xefes/as. Inicialmente ofrecerán prazas en Coruña, Lugo, Ourense, Pontevedra e Compostela, reservándose a administración a posibilidade de cambiar a localidade para achegar á persoa á súa localidade. Temos unha porcentaxe de discapacitados/as superior ao que marca a lei, pero non se fixera nada para discapacidade intelectual. Teñen intención de traballar pola integración das persoas con discapacidade intelectual na administración, sendo este o primeiro proceso, co obxectivo de chegar ao 2%. Finanzas: pendente nomeamento do tribunal. Inminente. Letrados/as, estatísticos/as, químicos/as, biólogos/as, enxeñeiros/as industriais e técnicos/as industriais: nas próximas dúas semanas remitirán para negociación as convocatorias.

Instrucións de vacacións, permisos e licenzas: A semana que ven teremos unha última xuntanza que pechará a negociación. Poderían aceptar algunha alegación presentada. Podería aprobarse en Mesa Xeral e Comisión de Persoal en dúas semanas.

Decreto de listas: A semana que ven poderíamos ter novidades. Posibilidade de incorporar algún punto máis. Convocaranos en unha ou dúas semanas.

Comisión de seguimento de persoal veterinario: Están a traballar no decreto de funcións.

Consortio galego de servizos de igualdade e benestar: Función Pública xa respostou á Xerencia do consorcio sobre a aplicación das instrucións de vacacións, permisos, licenzas. Por cortesía coas persoas responsábeis do consorcio serán estas quenes resposten á parte social.